

523

529

AD QVODLIBETARIAM
QVÆSTIO MEDICA MATVTINIS AGITANDA DISPV-
TATIONIBVS IN SCHOLIS MEDICORVM DIE IOVIS DECIMA QVARTA IANVARIL
MAGISTRO PETRO LE COMTE DOCTORE MEDICO PRÆSIDE.

An faciei nitor ex intus assumptis?

MVND VS Imago Dei: vtriusque homo; Intus Dei, extra mundi. Mundus naturâ suâ æternus, & immutabilis vtraque parte; cœlesti, & terrenâ. In illa, vbi que aëre perfusâ, mouetur astra, singula singulis motibus. Terra, in medio sita, viuit: & ad rerû vicissitudines necessariò cōuertitur motu diurno, ab occasu in ortum. Homo naturâ, & Dei dono incorruptibilis, adiutus influentijs siderum, ad sanitatem, etiam scrupulosissimè, per motuum computum indagandis, generat hominem, speciosus speciosum, morbidus morbidum. Eius forma non a sola crassi, sed & à lumine intellectus venulitior: omnibus æqua: tota in toto, & vbiuis corporis: sedet tamen in Cerebro: fulget in facie.

EÆC propria cute perforatur septem ostiis, quibus ad animam perperuus aditus, redditus. Ibi sensus omnes externi. Visus cæteris præstantior obiecto, lumine: actione instantanea: organo oculo, qui non in solo homine diuersicolor: licet igneus, patiendo fit visio. ex oculis & ore trigonus isopleurus. Auditus sine præstantior, non auribus, licet cum oculis in eodem plano sitis. Succedit odoratus dignitate tertius. Quartò gustus. Vltimò tactus. Facies macilenta, hebetes: pinguis, pigros: exigua, pusillanimes: magna, lentulos. mediocris, liberales indicat. extremus in facie color timidos: medius animosos, curta frons imperitos, magna stolidos, quadrata generosos. oculus magnus tardos, exiguus vafros. nasus ab initio aduncus, insolentes à medio, magnanimos.

IN facie pulchritudo, diuina qualitas, ex vario concentu humorum & membrorum. Huc ab intimis triplicis animæ recessibus, ceu in veritatis thronum, thesaurus elegantie, & furoris incendia deducuntur: cogitata è cerebro: ira & lætitia è corde: amores è ecore. Ibi pathemata, ibi pax, ibi bellum, ibi induciæ, ibi horrenda morborum stigmata, ibi vita, ibi mors, Esculapij speculum, Artis medicæ Mercurius, tutissimum prognoseos fundamentum. In vstulato, in Æthiope, in agresti difficile iudicium. Qualis humor intus, talis color in facie; à redundante bile auriginosus: ab atra fuscus & liuidus: à pituita pallidus, solus sanguis venustatis princeps, charitum progenitor, & cupidinum alumnus.

EMPERATIS humoribus, cœlestis fulgor in facie: soluto concentu soluuntur sanitas & pulchritudo. Hinc morbi in viris, à capite: in mulieribus, ab utero. In substantia cerebri phrenitis, mania, melancholia, lethargus: in ventriculis vertigo, incubus, apoplexia, epilepsia, paralysis, catharrus: in membranis cephalalgia, cephalæa, hemicrania. ex quibus, in alijs corporis partibus, pulchritudinis hostes. Ab utero, retentis mensuris deformantur mulieres, hirsuta cute, & barbata facie: fluentibus nimium sedantur, & in modum cadaueris pallescunt. vbi fluoralbus, ibi macies & decoloratio: vbi putre semen, ibi viduarum & virginum mærores & furores. Qualis vterus tale totum corpus. Ex his oriuntur viscerum impuritas, & obstructio. quibus si accefferint iræ, luctus, zelotypiæ, curæ, omnem venustatis florem expungunt.

EX his fumenda Confirmandæ, & læsæ restaurandæ venustatis methodus, eadem & tenendæ & obtinendæ valetudinis. Plastica & emplastica empiricorum adulterina. Natua dogmatici industriâ perpetuò indiga. Artificij caput Dieta, ex non naturalibus (ex pathematis: motu, quicere: somno, vigilia: aëre: cibo, potu: excretis, retentis. Humorum ametria in quantitate, euacuantibus: in qualitate, tum his, tum alterantibus emendanda. euacuantibus preparantia, ni materia turgeat, præmittenda. Capitis in viris: vteri in mulieribus præcipua est habenda cura. Nec ad sanitatem tantum, sed ad pulchritudinem longè pluribus medicamentis opus esse asserimus, quam Pharmacopari reponant. ex quibus, pro ratione morbi, personæ, loci, temporis, & splendoris artis, probus habeat Medicus quod, adhibito summo iudicio, & animicandore, præscribat.

Ergo faciei nitor ex intus assumptis.



Asserebat BARTHOLOMEVS BARALIS Valernogapensis. Año 1616. Parisijs.

DOMINI DOCTORES DISPVTVRI.

M. Ioannes Pietre.
M. Ioannes Cousin.
M. Hieronymus Goulx Prof. Reg.

M. Sypharianus Haultin.
M. Henricus Blacod.
M. Gabriel Biart.

M. Robertus le Secq.
M. Simon le Telier Med. Reg.
M. Richardus Marcetz.